

**Sancti Hieronymi Stridonensis Opervm, Tomi ...**

Continens Commentaria In Matthaevm, Et Epistolas Pavli Ad Galatas, Ad Ephesios, ad Titum & Philemonem, & librum Didymi de spiritu sancto a Hieronymo versum ... Ad Fidem Vetustissimorum Exemplarivm, Dvcentis Circiter Soblatis Erroribvs Emenda

**Hieronymus, Sophronius Eusebius**

**Coloniae Agrippinae, 1616**

Didymi De Spiritu Sancto Liber III. Interprete D. Hieron.

---

[urn:nbn:de:hbz:466:1-75102](#)

A

Misericordia domini recordatus sum. Cogitantes enim quæ ab eo frequenter in Moysè dona suscepint, gratias referunt, & cum misericordia, etiam virtutum domini recordantur, sive mirabilium, quæ crebro pro eis fecit in populis, sive profectuum animæ, quibus per legem, & prophetas, & præcepta eius salubria eruditæ sunt. Siquidem in scripturis nomen virtutis vtrumque significat. Recordari autem se misericordie, & virtutum eius, inquit, in omnibus quæ retrahunt eis: non iuxta iustitiam suam, sed iuxta misericordiam, & bonitatem eius, qui est iudex domini videnti, & sensui mundo corde cernenti dominum. Hoc siquidem ex Hebræo sermone in lingua nostra interpretatur Israël, id est, mens videns dominum. Licet enim tormenta & cruciatus iudex nonnunquam inferat iudicium merentibus: tamen qui causas rerum altius intuetur, videns propositum bonitatis eius, qui cupit corriger peccantem, bonum illum confiteretur, dicens: *Infer at nobis iuxta misericordiam suam.* Si enim iniquitates eorum quos iudicat attendat dominus, quis sustinet? Porro quia apud dominum propitatio est: dominus videlicet noster atque salvator, infert nobis secundum misericordiam suam omnia quæ nos prouehant ad salutem. Inferens quoq; iuxta misericordiam suam, & hoc faciens in iudicio cum iustitia nobis tribuit, quæ admixta misericordia bonitate largitus est.

DIDYMI DE SPIRITU SANCTO  
LIBER III. INTERPRETE D. HIERON.

B

**A**RGENDVS est ex præsenti capitulo hereticorum error: qui bonitatem à iustitia separant, alium Deum bonum, alium iustum finixerunt. Ecce enim in præsentiarum ipse est Deus & bonus & iudex, & iuxta misericordiam suam iustitiamque restituens, & pariter bonus iustusque subsistens. Frustra igitur iniquum dogma simulantes, bonum Deum euangelij, & veteris testamenti iustum esse defendant: quia & in plurimis alijs locis, & nunc in propheta sermone, iudex bonus scribitur Deus, & econtrariò quod nolunt, in Pauli apostoli epistola (qui certè noui testamenti prædicator est) Deus iustus iudex resertur. *Reposta est mihi dominus in illa die iustus iudex, quam reddet mihi dominus in illa die iustus iudex.* Idem est ergo (licet nolint) noui & veteris testamenti Deus, visibilium & invisibilium conditor: Salvatore etiam in euangelio iustum & bonum patrem lido attestante: *Pater iuste mundus te non cognovit.* Et alio loco: *Nemo bonus nisi unus Deus.* Sed & in veteri lege alibi iustus, alibi bonus dicitur Deus. In psalmis: *Iustus dominus inquit, & iustitas dilexit.* Et econtrariò in Hieremias: *Bonus dominus his qui sustinent eum.* Rursus in psalmis: *Quam bonus Deus Israël, his qui recte sunt corde.* Et hæc quidem è latere contra hæreticos strictim dicta sunt. Tempus autem est: vt propositum prophæt ordinem prosequamur, qui ita contextur: *Et dixit, haud dubium quin dominus: Non populus meus filij, nec præuaricabuntur.* Non erant inquit, similes his qui generati sunt, & exaltati, & cui qui genuit illos, despexerat. *Et factus est eis in salutem,* id est, illis de quibus dominus ait: *Non populus meus filij, & non præuaricabuntur.* Hoc enim ipsum, quod non præuaricati sunt, nec spreuerunt patrem, eis factus est in salutem. vel ob idipsum quod appella-

ti sunt filii, causa eis salutis effectus est, Quæ salus à Christo domino contributa, angelii quoque ad pastores voce firmatur, dicentes: *Ecce euangelizatio vobis gaudium magnum, quod erit omni populo: quia natus est vobis hodie Salvator, qui est Christus dominus in ciuitate David.* Ipse factus est cunctis, qui in eum credunt, occasio salutis æterna: & ipse est Salvator mundi, qui venit querere quod perierat. Et ipse est, de quo chorus sanctorum canit: *Deus noster, Deus saluandi.* Quia igitur Deus erat qui salutem præbebat æternam, dictum est: non legatus, neq; angelus, id est, nō propheta, non patriarcha, non legislator Moysès saluavit eos. Omnes enim quos nominauit, poterat ad dominum fungi legatione pro populo. Denique Moysès interpellans eum pro delinquente plebe, ait: *Si dimittis eis peccatum eorum, dimitte.* Sed obsecravit veniam quadraginta diebus ieunans: & misericordiam Dei, animæ afflictione prouocans. Nemo autem de horum numero legatorum potest esse Salvator, indigens & ipse eo qui salutis largitor verus est. Nam & angelii, quamquam spiritus sint, & ad diuersa propter eos, qui salutem accepturi sunt, ministeria mittantur: non sunt tamen auctores salutis, sed eum qui fons salutis est, interpretantur & nunciant, Vnde dictum est: Non legatus, neq; angelus, sed ipse dominus saluavit eos. Non propter aliud quid, sed propter id quod diligeret eos, & parceret eis. Parcere autem dicitur quasi creaturis suis, iuxta illud quod alibi scribitur: *Parces autem omnibus domine amator animarum: quia tu sunt: neq; enim odiis, quos fecisti.* Quapropter & pro corum salute proprio filio non parcens pater, tradidit eum in mortem: vt per mortem filii sui destruto eo qui habebat mortis imperium, hoc est diabolo, redemeret omnes qui ab eo captiuitatis vinculo tenebantur. Vnde subiicitur: *Ipse autem redemit eos, & suscepit eos, & exaltauit illos.* Suscepit enim exaltatq; salvatos, & redemptos in sublime tollit virrum alis, & eruditio ne & scientia veritatis, non ad unum tantum & alterum diem, sed in omnibus diebus æternitatis, habitas in eis, & cum eis, & vsque ad consummationem scendi vitam eis tribuens, salutisque auctor existens. Omnibus autem diebus seculi illuminans corda eorum, non finit eos in tenebris ignorantiae, & errore veris. Et hoc puto esse quod scriptum est: *In omnibus diebus exaltari eos.* Quia verò mutabiles & ad vitia spore labentes, post tanta beneficia Deo fuerunt increduli, & præcepta illius reliquerunt, & exacerbaverunt spiritum sancti dei, qui eis multa bona largitus est in peccatum simile corruerunt his, qui postquam geniti sunt, & exaltati spreuerunt patrem suum. Vel certè nunc ipsi describuntur, qui & ante descripti sunt: siquidē & ibi post peccatum dicitur ad eos: *Dereliquisti dominum, & ad iracundiam concitasti sanctum Israël;* & nunc quod ipsi non crediderunt, & exacerbaverunt spiritum sanctum eius. Ex præsenti ergo loco societas spiritus ad dominum ostenditur. Qui derelinquit dominum, & est incredulus, & ad iracundiam prouocat sanctum Israël, & exacerbat spiritum sanctum eius. Eadē indigatio super peccatoribus tam ad spiritum sanctum, quam ad sanctum Israël refertur. Vnde & in consequentibus similis copula trinitatis ostenditur, dicente scriptura, dominum ad inimicitias esse conuersum his qui exacerbaverunt spiritum sanctum eius, & tradidisse eos sempiterno cruciatui: postquam non sermone, sed rebus in sanctu eius spiritu blasphemauerunt. Ipse igitur, qui eis conuersus est ad inimicitias,

Psal. 119. a

Esa. 63. b

2. Tim. 4. b

Ioan. 17. d  
Marc. 10. b  
Psal. 10. b

Tren. 3. c

Sec. 70.  
Psal. 7. a  
Esa. 63. b  
Sec. 70.C  
Luc. 2. 1  
Psal. 67. 1

Exod. 32. 1

Hab. 1. 1  
Sap. 11. 1  
Rom. 5. 1

D

Esa. 63. 1  
Sec. 70.

Heb. 1. 1

Esa. 1. 1  
Sec. 70.Esa. 63. 1  
Sec. 70.

debel-

E debellauit eos, & subiecit multiplicibus, longisq; cruciatiibus, vt nec in præsenti tēpore, nec in futuro cōsequantur veniam peccatorum. Exacerbauerunt enim spiritum sanctum eius, & blasphemarunt in illum. Si autem volueris hoc de Iudeis intelligere, qui crucifixerunt dominū Saluatorē, & iccirco exacerbauerunt spiritum sanctum: id quod scriptum est: Ipse debelluit eos, ad illam est intelligentiam referendum, quod Romanis traditi sunt, quando venit super eos ira Dei in finem. In vniuerso enim orbe, cunctisque regionibus soli exules patriæ, in terra vagantur aliena, nō vrbem antiquā, non sedes proprias possidentes: id quod prophetis, & saluatori suo fecerunt, receperunt. Quia enim sanguinarij, & vesano semper furore capti, non solum prophetas occiderunt, lapidaueruntq; eos qui ad se misserunt: sed ad impietatis culmen egressi, dominum Salvatorem, qui pro cunctorum salute descendere dignatus fuerat ad terras, prodiderunt, & crucifixerunt: propterea expulsi sunt vrbe, quam prophetarum & Christi cruento maculauerunt. Secundum igitur hūc sensum debellatos eos à domino intelligere debemus, non ad breue tempus, sed ad omnē futurū sēculum. Vtque ad consummationem quippe mundi (vt diximus) profugi atque captivi, in vniuersis aberrant nationibus, nō vrbem, non regionem propriam possidentes. Attamen, quia naturaliter benignus est & misericors, qui eos debellauerat, tribuit eis locum pœnitentie, si velint ad meliora cōuerti. Vnde & dicitur: Recordatus est dierum seculi. Recordat enim temporum futurorum, clausam ianuā aliquia ex eis parte reseruavit: vt postquam intrauerit plenitudo gentium, tunc omnis Israēl (qui hac fuerit dignus appellatione) saluetur. Licet enim in id temeritatis eruperint, vt eum qui propter eos miseros fuerat interficerent, dicentes: Sanguis eius super nos, & super filios nostros: tamen Deus suscitauit cū de terra, in cuius corde tribus diebus & tribus noctibus fuerat commemoratus, pastorem ouium suarum. Siquidem ita cōtextitur: Qui eduxit de terra pastorem ouium suarum. Quod vero pastor ouium Deus, qui nunc prophetali sermone describitur: dominus sit, manifestius in euāgelio discimus: ipso Saluatore testante: Ego sum pastor bonus, & animam meam ponō pro ouibus meis. Et iterum: Ques me vocem meam audirent. Post hāc omnia prophetes ait: Vbi est qui posuit super eos spiritū sanctū? Admiratur quippe de quāta felicitate ad quātas miseras peruerenterint. Et quomodo loquitur? Qui eos redemerat, qui posuerat in illis spiritum sanctum suum habitans cum eis, vbi nunc est? quo abiit? Dereliquit eos: quia ipi prius dereliquerūt, & ad iracundia proouauerunt sanctum Israēl. Posuerat autem dudum in eis spiritum sanctum deus, cum adhuc boni essent: & præceptis eius obsequi niterentur. His enim tantummodo spiritus sanctus inseritur: qui virtutis derelictis, virtutum se cōstātur chorom: & iuxta eas & per eas in fide Christi viētant. Quod si paulatim negligētia sugerente, cooperint ad peiora confluere: concitant aduersum se habitatorem suum spiritum sanctum: & eum, qui illum dederat, cōuertunt ad inimicitias. Huic quid simile & Apostolus ad Thessalonenses scribens, ait. Neg. n. vocauit nos Deus ad immunditiam, sed ad sanctificationem. Itaque qui spernit, siue quod melius habetur in Græco, qui præuaricatur, nō hominē præuaricabitur, sed Deū, qui dedit spiritum sanctum suū in nobis. Nam in his sermonibus Deus vocans per fidem in sanctificationem, id est, vt sancti fierent credentes: dedit eis spiritum sanctum. Et quādiū præcepta Dei seruauerunt: permāsit in eis spiritus sanctus, quem accepérūt. Quādo verò amore lubrico corruerunt, & ad immunditiam sunt delapsi: spreuerunt, siue præuaricati sunt dominum, qui dederat eis spiritum sanctum: vt non immunditiae deseruirent, sed vt sanctificarentur. Vnde penas luent qui ista cōmiserunt, non quasi hominē, sed quasi Deum spēnētes. Et vt sciamus dominum esse spiritū sanctum, qui datur creditibus, ex ipsius prophetā Esaiā discamus eloquio, qui inducit ad quempīa dicētem dominum:

spiritus meus in te est, & verba mea dedi in os tuum.

Esa. 42. a

Ibid. stenditur enim ex sermone præsenti, quod qui acceperit spiritum Dei, simul cū eo & verba Dei possideat: sermones videlicet scientiæ & sapientiæ. Necnon & in alio loco eiusdem prophetā Deus loquitur: Dedi spiritum meum super eum. Qui ergo posuit in eis spiritum sanctum: Moysen dextera sua sanctificatū esse commemorat: siue illum illustrem virū & mysteriorum Dei initiatorem, de quo ad Iesum filium Naue dominus ait: Moysē famulus meus siue legem suam, quæ in veteri scripta est instrumento. Nam crebro legisse me memini Moysen appellatum esse pro lege: vt in Apostolo: Isg. in hodiernū diem, quando legitur Moysē. Et Abraham ad diuitem in supplicijs cōstitutum: Habet, inquit, Moysen & prophetas. Et certè liquido comprobatur ibi, Moysen, nō supradictum virū significatum esse, sed legē. Porro quæ est dextera Dei, quæ adduxit Moysen, nisi dominus & Saluator noster? Ipse est enim dextera patris, per quam saluat, exalat, & facit virtutem: sicut alibi de Deo dicitur: Saluauit et dextera sua, & brachium sanctum eius. Et rursum: Dexter a domini fecit virtutem, dextera domini exaltauit me: Non moriar, sed vivam, & narrabo opera domini. Et certè vocem hāc ex persona dominici hominis proferri, quem vngenitus filius Dei aſlumere dignatus est ex virgine, ex ipso loco manifestissime cōprobatur: quia ipse est dextera Dei, sicut scriptum est in Actibus Apostolorum: quod factus sit ex semine David secundum carnē, genitus in virgine superueniente in eā spiritu sancto, & virtute excelsi obumbratē eam. De quo David prophetauit in spiritu: quod à mortuis resurgēs, assumptus sit in cœlos, dextera Dei subleuatus. Scribitur ibi autem in hunc modum. Præsidens idem David locutus est de resurrectione Christi: quoniam non est derelictus in inferno: neg. caro eius vidi corruptionem. Hunc Iesum suscitauit Deus, cui nos omnes testes sumus. Dextera igitur Dei eleuatus, & reproductionem spiritus sancti accipiens à patre, effudit hoc donum in nobis, quod vos videris & auditis: neque enim David ascendit in cœlos. Nulli quippe dubium, exaltatum dextera Dei, & ab inferis resurgentem esse dominum Iesum: sicut ipse scriptura sermone testatur est. Iste ergo qui resurrexit à mortuis, dicit: Ego dormiui, & somnum cepi: & resurrexi, quia domin⁹ suscitauit me. Ipse ergo sermone Dei assumptus in cœlum, eleuatus esse ab ea (de qua supra diximus) dextera Dei prædicatur: & accepisse re promissiones spiritus sancti à patre, & effusisse illum in credentes, taut omnium linguis loquerentur magnalia Dei. Nam & dominicus homo accepit communicationem spiritus sancti: sicut in euangelij scribitur: Iesus ergorepletus spiritu sancto, regressus est à Iordanē. Et in alio loco: Reversus est Iesus in virtute spiritus in Galilæa. Hæc autē absque villa calumnia de dominico homine, qui totus Christus, vnuus est Iesus filius Dei,

Psal. 97. a  
Ibid. 117. c  
H  
Act. 2. a  
Psal. 3. b  
Lue. 16. f  
z. Cor. 3. c  
Iof. 1. a

A. sensu debemus pietatis accipere, nō quod alter & alter sit: sed quod de uno atq; eodem quasi de altero secundum naturam Dei & hominis disputatione: & quia Deus verbum, unigenitus filius Dei neq; immutationem recipit, nec augmentum: siquidem ipse est bonorum omnium plenitudo, satis abundeque de prophetę testimonio disputatione est. Nunc ad reliqua pergamus, vt quomodo scimus quod pater & filius, sanctos & bonos sui cōmunicatione perficiuntur: sic sanctus quoque spiritus, participatione sui, bonos efficiat sanctos que credentes: & ex hoc etiam vius cum patre & filio substantiae esse doceatur. Dicitur in psalmis ad dominum. *Spiritus tuus bonus deducet me in terram regiam.* Scimus autem in quibusdam exemplarib. scriptum esse: spiritus sanctus tuus. Porro in Ezra absq; villa ambiguitate bonus spiritus appellatur: *Spiritus tuum bonum dedisti, ut eos faceres intelligere.* Quod autem pater sanctificet, Apostolus scribit, dicens: *Deus autem pacis sanctificet vos perfectos.* Et Salvator ait: *Pater sancte, sanctifica eos in veritate, quia verbum tuum est veritas.* Perpicue dicens: in me qui verbum tuum sum & veritas tua, sanctifica illos fide & consortio mei. Dixit est & alibi bonus Deus: *Nemo bonus nisi vius Deus.* Superius quoque ostendimus quoniam filius sanctificet, Paulo in eadem verba congruēt. *Etenim qui sanctificat, & qui sanctificantur, ex uno omnes.* Sanctificantem significans Christum, & sanctificatos eos, qui possunt dicere. *Factus est nobis sapientia ex Deo Christus, & iustitia, & sanctificatio.* Appellatur siquidem & spiritus sanctificationis. Vnde & ad eum dicitur: Et omnes sanctificati sub manibus tuis, & sub te sunt. Bonus dominus noster Iesus Christus, & ex bono patre generatus est: & de eo legimus: *Confitemini domino quoniam bonus.* Confiteantur autem illi, qui ab eo aut veniam obsecrant peccatorum, aut gratias referunt eius clementia pro indultis beneficijs. Spiritus quoque sanctus eos quos dignatur implere sanctificat: vt superius iam demonstratum est: quando ostendimus eum participalem, & à multis simul capi posse. Et nunc in praesenti Pauli testimonio largitor sanctificationis ostenditur, in eo quod ait: Debemus autem & nos gratias agere Deo semper pro vobis, fratres dilecti à domino: quia elegit Deus nos primitias in salutem, in sanctificatione spiritus sancti, & fide veritatis. Nam & in hoc loco charismata Dei subintelliguntur in spiritu, cum in sanctificatione spiritus, fides pariter & veritas possidentur. Quia ergo recte & pie, & vt se veritas habet, hæc diximus, sanctificationis, bonitatisque vocabulum & ad patrem, & ad filium, & ad spiritum sanctum æquè referetur: sicut ipsa quoque appellatio spiritus. Nam & pater spiritus dicitur, vt ibi: *Spiritus est Deus, & filius spiritus. Dominus, inquit, spiritus eius.* Spiritus autem sanctus, semper spiritus sancti appellatione censetur, non quod ex consilio tantum nominis spiritus cum patre ponatur & filio: sed quod una natura, unum possideat & nomine. Quia vero spiritus vocabulum multa significat: enumerandum est breuiter, quibus rebus nomen eius aptetur. Vocatur spiritus & ventus, sicut in Ezechiele. *Tertiam autem partem diffuges in spiritum:* hoc est, in ventu. Quod si volueris secundum historiam illud sentire, quod scriptum est: *In spiritu violento cōterres naues Tharsis:* non aliud ibi spiritus quam ventus accipitur. Necnon Salomon inter multa hoc quoque munus à Deo accepit, vt sciret violentias spirituum: non aliud se in hoc accepisse demonstrans, quam sci-

re rapidos ventorum flatus, & quibus causis corū natura subsistat. Vocatur & anima spiritus, vt in Iacobi epistola. *Quomodo corpus tuum sine spiritu mortuum est,* lac. 2. d. & reliqua. Manifestissime enim spiritus, hic nihil aliud nisi anima nūcupatur. Iuxta quam intelligentia & Stephanus animam suam spiritum vocans. *Domine, inquit, Iesu suscipe spiritum meum.* Illud quoque quod in Ecclesiaste dicitur: *Quis scit an spiritus hominis ascendat sursum, & spiritus umenti descendat deorsum.* Considerandum vtrum nam & pecudum anima spiritus appellentur. Dicitur etiam excepta anima, & excepto spiritu sancto, spiritus alius quis esse in homine, de quo Paulus scribit: *Quis enim scit hominem, quae sunt hominis, nisi spiritus hominis qui in eo est?* Sic & ea quae sunt Dei, nemo scit nisi spiritus Dei. Quomodo enim alius est homo, alius est Deus: sic & spiritus hominis, qui est in eo, separatur à spiritu Dei, qui est in eo, quem spiritū sanctum frequenter ostendimus. Sed & in alio loco idem Apostolus à nostro spiritu spiritum Dei secernens, ait: *Ipsa spiritus testimoniū perhibet spiriti nostro:* hoc significans, quod spiritus Dei, id est, spiritus sanctus, testimonium spiritui nostro præbeat, quem nunc diximus esse spiritum hominis. Ad Theſalonicenses quoque: *Integer, inquit, spiritus vester, & anima, & corpus.* Sicur enim alia est anima, & corpus aliud: sic & aliud est spiritus ab anima, quæ suo loco specialiter appellatur. De quo & orauit, vt integer cū anima scrutetur & corpore: quia incredibile est, atq; blasphemum orare apostolum, vt Spiritus S. integer seruetur, qui nec immutatione potest recipere, nec profectum. De humano ergo, vt diximus, spiritu in hoc loco apostoli sermo testatus est. Appellantur quoque supernæ rationabilesque virtutes, quas solet scriptura angelos & fortitudines nominare, vocabulo spiritus, vt ibi: *Quis facis angelos tuos spiritus.* Et alibi: *Nonne omnes sunt administratores spiritus?* Puto ad hunc sensum & illud referri quod in Actibus Apostolorum scribitur: *Spiritus domini rapiuit Philippum, & non amplius eum vidit eunuchus,* id est, angelus domini in sublime eleuans Philippum, transfluit illum in alium locum. Rationales quoque alia creatura & de bono in malum sponte propria profluente, spiritus pessimi, & spiritus appellantur immundi, sicut ibi: *Cum autem spiritus immundus exierit ab homine.* Et in consequentibus: *Assumit septem alios spiritus nequiores se.* Spiritus quoque dæmones in euangelijs appellantur. Sed & hoc notandum: numquam simpliciter spiritum, sed cum aliquo additamento spiritum significari contrarium, vt spiritus immundus, & spiritus dæmonis: hi vero qui sancti sunt spiritus, absque ullo additamento, spiritus simpliciter appellantur. Sciendum quoque quod nomen spiritus, & voluntatem hominis, & animi sententiam sonet. Volens quippe apostolus virginem non solum corpore, sed & mente sanctam esse, id est, non tantum corpore, sed & motu cordis interno, ait: *Vt sit sancta corpore & spiritu, voluntatem spiritu,* a. C. 1. 1. & cor-

B. *Psalm. 117. d.*

*2. Thes. 2. d.*

*Ioan. 4. d.*

*Ezech. 5. a.*

*Psalm. 47. b.*

E & corpore opera significans. Considera vtrum hoc eueniens, cōfusionem & pudorem ei qui errauit im*ipsum in Esia sonet quod scriptum est: Et sc̄ient, qui spiruſerrant, intellectum. Qui enim errore iudicij alia pro alijs bona existimant, accipient intellectū, vt corrigatur error illorum: vt pro prauis ea qua recta sunt eligant. Necnon & illud: Vna fortitudo spiritus vestri, vide an idipsum ostēdat. Et super omnia vocabulum spiritus altiore & mysticum in scripturis sanctis significat intellectū, vt ibi. Litera occidit, spiritus autem vivificat: Litteram dicens simplicem & manifestam iuxta historiam narrationem: spiritū verō, sanctum & spirituale esse quod legitur. In hanc congruit voluntatem & illud: Nos sumus circuncisio, qui spiritu domino seruientes sumus, & non in carne cōfidentes. Qui enim non littera carnem concidunt, sed cor spiritu circuncidunt, auferētes omne eius superfluum, quod generationi proximum est & amicum, hi vero spiritu circuncisi sunt in occulto Iudei, & verē Israēlīc, in quibus non est dolus. Qui transcendentēs umbras, & imagines veteris testamenti, cultores veri adorāt patrem in spiritu & veritate. In spiritu quia corporalia & humilia transcederunt. In veritate, quia typos & umbras & exemplaria relinquentes, ad ipsius veritatis venere substantiā, & viam diximus, humili & corpore verborum simplicitate contempnā, ad spiritualem legis notitiam peruenierunt. Hec interim iuxta possibilitatem ingenij nostri, quot res spiritus significaret attigimus, suo tempore quid vnumquodque significer, si Christus tribuerit, disserturi. Nonnūquam autem spiritus, & dominus noster Iesus Christus, id est, Dei filius appellatur. Benignus siquidem est spiritus sapientia. Et in alio loco: Dominus autem spiritus est, vt ante diximus, ubi etiam illud adiunxit: Spiritus Deus est: non iuxta nominis tātum communionem, sed iuxta naturā substantiāque cōsortium. Quo modo enim quorum diuersa substantia est, interdum euenit vt communi vocabulo nuncupentur, & hæc dicuntur ιωάννης, ita eorum quorum eadem est natura atq; substantia, cum societate vocabuli, naturā quoque æqualitas copulatur, & disciplina dialecticorum est appellare hæc οντότητα. Iecircō & spiritus vocabulum, & si quid aliud in trinitate usurpari solet, οντότητa est, verbigratia: spiritus bonus, & cætera his similia, de quibus paulo ante perstrinximus. Porro ad hæc necessariò deuoluti sumus, vt quia frequenter appellatio spiritus in scripturis est resperfa diuinis, non labamur in nomine, sed vnumquodque secundum locorum varietates & intelligentias accipiāmus. Omni itaque studio ac diligentia vocabulum spiritus, ubi & quo modo appellatum sit, contemplantes, sophismata eorum & fraudulentas decipulas contemnamus, qui spiritum sanctum asserunt creaturam. Legentes enim in propheta: Ego cōfirmavi tonitruum, & creans spiritum: ignorantia multiplicis in hac parte sermonis putauerunt spiritum sanctum ex hoc vocabulo demonstrari, cum in presentiarum spiritus nomen ventum sonet. Nec in Zacharia audientes locutum dominum, quod ipse sit qui creat spiritum hominis in eo, existimauerunt spiritum sanctum etiam in hoc capitulo significari: non animaduertentes quod animam hominis, aut spiritum, quem tertium in homine esse iam diximus, spiritus appellatio significet. Ergo, vt prælocuti sumus, quo modo vnumquodque dictum sit consideremus, ne forte per ignorantiam in barathrum decidamus erroris. Siquidem in alijs rebus ex confortio vocabulorum error*

eueniens, cōfusionem & pudorem ei qui errauit im*portat: de supernis verō & diuinis lapsis ad praua, ad eternam poenam deducit & barathrum, maximè cum semel deceptus noluerit resipiscere, sed suum defensare impudenter errorem. Docbat etiam, & magnitudo voluminis exigebat, vt finem acciperet oratio. Verum quia infert se quæstio aduersus ea quæ superius disputauimus, quam iccirco tunc prætermisimus, ne textum sermonis irrumperet, & inter piam prædicationem impia contentio poneretur: necessarium puto ad propositum respondere, & lectoris arbitrio quid super his sentiat derelinquere. Disputantibus ergo supra, quod animam vel mentem hominis nulla creatura iuxta substantiam possit implere, nisi sola trinitas: quia tantummodo secundum operationem & voluntatis erōrem sive virtutem, animus de his quæ creata sunt implieatur, oborta est quæstio nostra, quasi sententiam soluēs, quod creata substantia, quæ in scripturis Satanus appellatur, ingredia tur in aliquos, & cor quorūdam implere dicatur. Nā ad eum qui medietatem pretij de agro vendito sibi aliud profitēs reseruarat, à Petro apostolo dictum est: *Anania, quare implevit Satanus cor tuum?* Et de luda loquitur ipse Salvator, quod intrauerit in eum Satanus. Ad quod postea respondendum est: interim nūc ad id quod scriptum est, quare implevit Satanus cor tuum: quo modo Satanus mentem alicuius & principale cordis impleat, non ingrediens in eum, & in sensum eius, atque vt ita dicam adyutum cordis introiens ( siquidem hæc potestas solius est trinitatis) sed quasi callidus quidam, & nequam, ac fallax, fraudulentusque deceptor, in eos animam humanam malitia affectus trahit per cogitationes & incentiuavitiorum, quibus ipse plenus est. Deniq; & Elymas magus filius diaboli, iuxta malitiam, nequitiamq; subtilitēs, plenus omni dolo, & omni malitia scribitur, Satana patre eius hanc ei voluntatem, quasi ex consuetudine vitorum in naturam vertente. Arguensitaq; eum apostolus Paulus atque corripiens ait: O plene omni iniquitate & omni dolo, fili diaboli, inimice iustitiae Dei. Quia enim versipellis & callidus omnem in se dum fraudulentia suscepit, appellatur filius diaboli: quia implebat ipse omne principale illius fraude, & iniquitate, & omni malitia: intantum illiciens cum atque decipiens, vt ipse Satanus implesse animam ipsius, & habitare in eodem putaretur, quem ad omnes sua peruersitatis dolos ministrum sibi ac fātum præparauerat. Ad id verō quod secundum posueramus exemplum, quia in Iudām introisset Satanus: hoc dicendum est. Observans diabolus quibusdam motibus & operationum signis, ad quæ potissimum Iude cor effter vitia procliviis, deprehendit eum patere insidijs auaritiae, & reperta cupiditatis ianua, misit in mentem eius quo modo desideratam pecuniam acciperet, & per occasionem lucri, proditor magistri & Salvatoris sui existeret, argētum proprietate commutans, & inscipliens premium sceleris à pharisæis atque Iudeis. Hæc ergo cogitationis occasio locum tribuit Satanu: vt in cor eius introiens, impletet eum pesima voluntate. Introiuit ergo non secundum substantiam, sed secundum operationem: quia introire in aliquem, increata natura est eius, quæ participetur à pluribus. Imparticipabilis ergo diabolus est, non creator, sed creatura subsistens. Vnde & conuertibilis atque mutabilis, sanctitate decidit atque virtute. Diximus supra το μετέντο, id est,*

quod

*Act. 5. a  
Sec. Grac.  
Ioan. 13. d  
επιλογή  
σταύρωση  
την ημέρα  
από τον Ιησού*

*Act. 13. b**Ioan. 13. b*

A

quod participatione capiatur, esse incorruptibile, & immutabile, & consequenter aeternum. Quod autem mutari potest, factum esse, & habere principium. Porro quod incorruptibile sit, esse & retro & deinceps sempernun. Non ergo, ut quidam putant, participatio ne naturae sive substantiae implet quempiam diabolus, aut eius habitator efficitur: sed per fraudulentiam, & deceptionem, & malitiam inhabitat in eo creditur quem repleuit. Hac autem fallacia etiam in presbyteros, qui aduersus Susannam in crudelitatem se verterant intravit, implens animas eorum incendio libidinis & sera senij voluptate. Scriptum est enim: *Venerunt autem & duo presbyteri pleni iniqua cogitatione.* His insidijs impleuit & vniuersum populum Iudeorum, dicente propheta de eo: *Vagens peccatrix populus plenus peccatis, semen perfidum, filii iniqui.* Semen quippe nequam diabolus, & filius eius, propter iniuriam & plenitudinem, dicti sunt peccatores. Si autem ab his, qui eius in scripturis filii nominantur, iuxta substantiam participationem non capitur (siquidem impossibile hoc esse in creaturis frequenter ostensus est) neque alius quis potest eum capere participatione substantiae: sed tantummodo assumptione fraudulentissima voluntatis. Operationem quippe & studia, non solum bonorum operum, sed etiam malorum in creaturis diximus: naturam vero atque substantiam solius in aliis posse trinitatis intrare. Abinde ut reor occursum est proposita questioni. Quia vero inceptum & stultum videtur aduersus fatua respondere, & si quid in buccam ruerit impiorum, hoc velle dissoluere: non enim tantum impietas est scelerata proponere, quantum & de sceleratis saltem resistentem velle tractare: iccirco illud quod solent tractare pratereo, sacrilega aduersus nos audacia proclamantes. Si spiritus sanctus creatus non est: aut frater est Dei patris, aut patruus est unigeniti Iesu Christi: aut filius Christi est, aut nepos est Dei patris: aut ipse filius Dei est, & iam non erit unigenitus dominus Iesus Christus cum alterum fratrem habeat. Miseri atque miserabiles, non sentientes de incorporeis & invisibilibus iuxta corporalium & visibilium disputationi non licere naturam. Fratrem esse non patruum, nepotem vel filium, corporum nomina sunt, & imbecillitatis humanae vocabula. Trinitas vero omnes

has praeterreditur nuncupationes. Et quotienscumque in aliqua de his cadit, nominibus nostris & incognitis vocabulis, non sua natura loquitur. Cum igitur sancta scriptura amplius de trinitate non dicat, nisi Deum patrem esse Salvatoris, & filium generatum esse a patre: hoc tantummodo debemus sentire quod scriptum est. Et ostendo quod spiritus sanctus in creaturis sit: consequenter intelligere, quod cuius non est creata substantia, recte patri, filioque societur. Hec iuxta eloquij nostri paupertarem in praesenti dicta sufficientant: timorem meum, quod de spiritu sancto loqui ausus sim, indicantia. Quicumque enim in eum blasphemauerit, non solum in hoc saeculo, verum etiam in futuro non dimittetur ei: nec villa misericordia & venia reseruabit illi, qui conculcauerit filium Dei, & iniuriam fecerit spiritui gratiae eius, in quo sanctificatus est. Quod quidem & in Deo patre est intelligendum. Nam qui blasphemauerit in eum & impie eggerit: sine venia cruciabitur, nullo pro eo dominum deprecante, sicut scriptum est: *Qui autem in domum Deum peccauerit, quis orabit pro eo?* Necnon & qui filium negauerit coram hominibus: negabitur ab eo coram patre, & angelis eius. Ergo, quia nulla venia in trinitatem conceditur blasphemantibus, omni studio & cautela est prouidendum, vt ne in breui quidem paruo que sermone de ea disputantes, labamur. Quin potius, si quis hoc volumen legere voluerit: qualius, ut mundet se ab omni opere malo, & cogitationibus pessimis: quo possit illuminato corde ea intelligere quae dicuntur, & plenus sanctitate atque sapientia, ignorare nobis, sicuti voluntatem nostram non impleuit effectus: & tantummodo consideret, quae mente quid dictum sit, non quibus expressum sermonibus. Sicut enim pietatis sensum nobis audiacter iuxta nostram conscientiam vindicamus: ita quantum de eo loqui pertinet; venustatem rhetoricae facundiamque iuxta consequentiam textumque sermonis, nos procul abesse simpliciter confitemur. Studij quippe nostri fuit, de scripturis sanctis disserentibus, pie intelligere quae scripta sunt: & imperitiam mensuramque nostri ignorare sermonis.

Sexti Tomi, Commentaria D. Hieronymi in Mattheum, & in D. Pauli epistolas, videlicet ad Galatas, Ephesios, Titum, Philemonem, cum Commentario in Marcum incerto auctore. Item Euangelium Luca & Ioannis: postremo Didymi de Spiritu S. librum à D. Hieronymo versum complectentis, Finis.

F I N I S.